

杏
花
邨
志

杏花邨志卷之四

邨人

郎遂

編輯

人物

唐

杜牧字牧之估之孫也第進士復舉賢良方正沈傳師表
爲江西團練府巡官又爲牛僧孺淮南節度府掌書記
擢監察御史移疾分司東都以弟顗病棄官復爲宣州
團練判官拜殿中侍御史內供奉是時劉從諫守澤潞
何進滔據魏博頗驕蹇不循法度牧追咎長慶以來朝

廷措置亡術復失山東鉅封劇鎮所以繫天下輕重不得承襲輕授皆國家大事嫌不當位而言實有罪故作罪言又傷府兵廢壞作原十六衛論累遷左補闕史館修撰改膳部員外郎宰相李德裕素奇其才會昌中黜憂斯破回鶻回鶻種落潰入漠南牧說德裕不如遂取之德裕善之會劉稹拒命詔諸鎮兵討之牧復移書于德裕若以忠武寧兩軍益青州精甲五千宣潤弩手二千道絳而入不數月必覆賊巢俄而澤潞平略如牧策歷黃池睦三州刺史入爲司勳員外郎常兼史職改吏

部復乞爲湖州刺史踰年以考功郎中知制誥遷中書
舍人牧剛直有奇節不爲齷齪小謹敢論列大事指陳
利病尤切至少與李甘李中敏宋祁善其通古今善處
成敗甘等不及也牧亦以疏直時無右援者從兄惛更
歷將相而牧困躓不自振頗怏怏不平卒年五十牧于
詩情致豪邁人號爲小杜以別杜甫云

按牧本傳不詳刺池事而樊川集中池州詩最多
當其刺池時喜登眺齊山清溪諸勝又嘗游歷金
碧洞杏花邨皆見諸題咏明九華吳光錫刻杜樊
川池州詩集行世蓋池州山水實以牧重也
唐詩紀事曰杜牧之守秋浦與處士張祐游酷吟
其宮詞亦知樂天有非之之論乃爲詩曰曉在眼

前人不見道超身外更何求誰人得似張公子千
首詩輕萬戶侯按祜產池之青陽家南陽鄉性喜
林石清幽之致且與牧之唱酬豈有不磨咏于杏
邨杜鵑間乎今遺篇莫考是知風雅之缺失多矣

杜荀鶴字彥之杜牧遺腹子也性豪放志經史嘗築別業
於杜鵑與同里顧雲殷文圭康駢輩爲好友登昭宗大
順元年榜及第第一人授翰林學士主客員外郎知制
誥詩律自成一家稱晚唐格所著有唐風集郡人劉廷
鑾池上詩人集爲人十有九荀鶴其一也羅浮姚子莊
重刻杜翰林詩集行世版藏池州石埭

李昭象字化文父方立嘗刺池州裁減蠹民者十餘事又

樹九華樓築翠微隄鑿齊山北面得岩洞怪石不可名
狀後遷去老穉攀轅畱家池州懿宗末年昭象以文謁
相國路巖問其年曰十有七矣巖年尚少尤器重之薦
于朝將召試會巖貶遂還秋浦與張喬許棠輩爲友龍
紀中楊行密賁宣州以書招之不就按集中有喜杜荀
鶴及第詩曰淡巖貧復病榜到見君名貧病渾如失山
川頓覺清一春新酒興四海舊詩聲日使能吟者西來
步步輕荀鶴築別業于杜鵑昭象當有題咏今逸不傳
羅隱字昭諫號江東生餘姚人乾符間父羅則爲鹽鐵小

吏遷秋浦尉值黃巢亂遂同隱虬鄴三子隱于梅根浦
郡守竇涵作別墅居之遂籍本州有文選閣文孝廟諸
詩隱以錢鏐辟爲從事節度判官副使所著有三羅詩
三卷江東集十卷甲乙集十卷吳越掌記十卷皆自爲
序又有讒書湘南集淮南寓言等書

伍喬貴池人貧約自甘訪道廬山國學方夜誦牕外忽一
巨掌入中書讀易二字喬遂取易治之探索精微淡契
其旨有僧夢一大星墜人曰伍喬星也及訪得因資俸
之南唐保大十三年春試畫八卦賦舉進士第一爲歙

州通判尋名爲考功郎詔令刊八卦賦于國學門以式
四方國除耻仕易姓遂歸隱有游西禪院詩卽今乾明
寺也

南唐書曰伍喬廬江人也性嗜學以淮人無出已
右者遂渡江入廬山國學苦節日勵一夕見人掌
自牖隙入中有讀易二字條爾而去喬默審其祥
取易讀之探索精微迨數年山下有僧夜夢人指
大星曰此伍喬星也僧與喬初不相知達旦入國
學訪問得喬喜甚勉之進取喬以匱乏告僧輒罄
橐予之喬出與郡計明年春試畫八卦賦零後望
鍾山詩是歲同試數百人初中有司之選者必延
之陞堂而加慰飲焉先是宋貞觀登坐張洎續至
主司覽程文遂揖貞觀南坐而引洎西首酒數行
喬始上卷主司讀之驚嘆乃以貞觀處席北辟洎
居南登喬爲賓首覆考榜出喬果第一洎第二貞

觀第三時稱主司精于衡鑒元宗命勒喬程文于石以爲永式署宣州幕府考滿遷考功郎卒于官按喬本秋浦人而學于廬山者其先或系廬江耳馬令南唐書列在儒者傳內而謂之廬江猶之乎謂湯悅爲陳州人也大明一統志廬江池州人物並載伍喬則亦未之深考也或曰伍喬產于秋浦葬于廬江其墓隴在馬廐岡居民耕出碑驗

劉仲昭字仁鑒原籍河南洛陽人與兄孟昭並著才名孟昭以討黃巢功授山東節度副使轉判池州卒于官仲昭登唐乾寧進士授大理寺評事補貴池令長子文昂贅杏花邨陳潤女遂家焉後由杏花邨遷大嶺其支系分籍于青陽明泰昌間光祿丞劉光復其裔也

宋

潘閬自號逍遙子爲詩有唐人風其苦吟詩云髮任莖莖
白詩須字字工因坐廬多遜黨得罪避舒州潛山寺爲
行者石埭志列李白賈島李商隱寇豹潘朗魏埜稱長
林寓賢疑朗卽閬也有杏花邨西禪院詩

喻良能字叔奇義烏人累官至太常寺丞嘗進忠義傳二
十卷孝宗深嘆賞卽命頒行以開縣男致仕所著有諸
經講義香山集淳熙中過池州有拜昭明廟詩二首

沈遼字叡達錢塘人與曾鞏蘇軾黃庭堅以詩相倡和築

室秋浦名雲巢所著有雲巢集作西峰銘石刻在光孝寺久不存郡志流寓有傳

梅堯臣字聖俞宣城人歷官員外郎家貧好飲與歐陽修爲友其序宛陵集曰世謂詩少達而多窮蓋非詩能窮人殆窮者而後工也嘗有人得西南夷布其織文乃堯臣詩慶曆中令建德有咏西禪院竹詩

陳舜俞字令舉嘉興人嘗寓居湖州博學強記慶曆中舉進士又舉制科第一僉書壽州判官熙寧初以屯田員外郎知山陰縣青苗法行舜俞不奉令上疏爭之謫監

南康酒稅舜俞池州題咏有數章不僅邨西秋浦亭也
黃庭堅字魯直號山谷分寧人以紹聖元年九月辛丑過
池陽與兄黃士臨弟叔獻叔達率子孫題名蕉筆岩併
有昭明廟紀事詩

曾極字景建臨川人志氣豪放聲名四起朱晦菴得其書
及詩大異之嘗以詩語涉謗訕得罪謫道州卒於其所
後有言曾極久斥可念孝宗曰非爲江湖集耶因奉旨
歸葬所著有春陵小雅金陵百詠有文孝廟詩

朱熹字元晦婺源人父松究心河洛宗旨成大儒爲尤溪

尉卒熹年十四奉遺命依劉子羽寓居崇安晚徙建陽
集諸儒之大成發宣聖之秘要諡曰文封徽國公會游
池州有九日登湖山和杜韻詩

李廌字方叔華州人幼孤能奮立常以文謁蘇軾於黃州
軾謂其筆墨瀾翻有飛沙走石之勢嘗閱其所著曰張
耒秦觀之流也鄉舉試禮部軾典貢失之賦詩以自責
按廌文選閣詩頗得晉魏之遺

趙葵字南仲蒲州人徽猷閣學士趙方之子也寶慶間與
兄范齊名嘗入對帝廷帝稱其父子兄弟殫力王家葵

頓首謝曰臣世受國恩當捐軀以報陛下帝爲動容後拜右丞相有秋浦樓詩

周必大字子充一字洪道廬陵人嘉泰元年御史施康年劾必大首唱僞徒與趙汝愚留正皆爲罪首四年薨年七十有九贈文忠寧宗題篆其墓碑曰忠文耆德之碑自號平園老叟著書八十一種有平園集二百卷

按周益公泛舟江浙一錄所至必游所遊必核嘗兩過池州有天遣江山助牧之之句

程秘字懷古休寧籍先世洛州人與楊誠齋真西山同時以理學自任歷官端明殿學士初以建康教授於嘉泰

甲子校士於池州湖山貢院詳見洛水集

陸游字務觀號放翁會稽人年十二能詩蔭補登仕郎鎖
廳薦選第一秦檜孫埴適居其次檜怒至罪主司明年
試禮部主事復置游前列檜顯黜之由是爲所嫉檜死
始赴福州寧德簿嘉泰二年修孝宗光宗實錄成陞寶
章閣待制致仕游才氣超逸尤長於詩卒年八十五按
放翁游池州時乾明寺尚名光孝也詳見鐵佛記

張邦基淮海人所著墨莊漫錄有昭明廟祝周氏雜記
汪遠猷有謁昭明廟詩楊振有乾明寺古松詩俱宋人

元

貢奎字仲章號雲林宣城人甫十歲輒能屬文既壯通經史以文學發身大德五年授池州路齊山書院長有游鍊佛寺詩凡秋浦古蹟名勝皆有題咏官至檢討謚文靖當代鉅儒王文獻吳州廬書其事甚備

按文靖之子名師泰歷官國子司業父子俱擅詞藻既從游秋浦當亦歌咏杏邨今詩佚不傳徒令人追慕于千載之下矣

張正卿至大間任池州同知嘗捐五十金刻文選於池州貯板昭明廟

余璉以大德九祀官池州累官肅政廉訪使後于至大間
卽池故地歸老撰重刻文選序

張奉政泰定間同知州事鼎建文孝祠見鍾世美所撰碑
記按世美亦官於池者郡志官師失載

戴餘新安人管雲甫池之西廂人方懋卿未詳里居其姓
氏皆見于元至正間重修西湘橋碑記中或撰文或捐
金或勸緣咸有功斯橋者因歷年旣遠特書列之

郎寶和寶懋生元至正間兄弟同居稱義門今室廬丘隴
俱在杏花邨

明

陶安字主敬當塗人銳志濂溪關閩之學元至正間授明道書院長洪武初以迎車駕授左司員外郎陞翰林學士賜對曰國朝謀略無雙翰苑文章第一池州境內題詠最多西郊有詩

董希仲洪武己卯科舉人親老不忍宦游棲隱林石供菽水以終今西郊有所居遺址

金焦貴池人建文元年爲御史燕兵起尹昌隆上疏請讓位焦劾昌隆無人臣禮尋陞刑部右侍郎又論李景隆

懷貳不可任壬午六月之變焦亦與聞出亡甲申重九
同諸亡臣會建文君于天台戊子冬視君于雲南白龍
山茆舍明春從君于蜀因留蜀後與王資往河南死于
祥符

見表忠記從亡列傳

按吾池城南十里蔡家店有金公井卽金焦故里
也靖難時族人易姓爲張居湖山之麓

方謨字昌言歸安人正統舉孝廉官貴池教諭陳恭愍提
學南畿舉以自代陞翰林院檢討所謨昭明廟紫石碑
文爲蘭水柯薰書丹柯礪鐫石至今人爭搨之

張邦教蒲州人由進士官池郡丞威明交著每遇賢士虛

心延訪以咨所宜行官至陝西按察使治郡時留意山水嘗表杜樊川遺跡因自號曰惜花人

沈昌號埜航鸞鄉人弘治間以歲薦廷試第一不樂仕進歸隱梅山下其自題詩曰我是梅山舊主人寒香惟我得平分年年分得知多少欲獻君王羞自云所著有池陽懷古詩合前後兩集共二百首杏花邨名勝俱有題咏長林楊暹得之邨壑余錄而傳之

侯緘號台埜臨海人知池州愛民真切禁奸除竊士庶俱無間言後陞副使池人請祀名宦有重修昭明廟碑記

郎子機號懷山銘之孫銘由歲薦任永寧主簿不屈於太
守遂棄官歸隱杏花邨機嫻武畧所造火攻器具破敵
百不失一選爲池陽營材官萬曆間會勦英霍二山賊
時機家敬祀關壯繆忽見夢云汝父子當同陣戰必勝
機以神言父子逐隊行臨陣惟見諸赤面者勢莫敵卽
機父子也擒諸賊獻俘兵備道馮叔吉敘功題授守備
固辭終老杏花邨子十二人皆能武名字各以次序配
山川號故有大池雙溪五湖九華巫峰諸稱顧太守建
杏花邨亭址卽機宅邊園圃地也

方元美字旋吉居浯溪山中與同郡王良相陳上祥吳光裕輩相倡和所著有萼綠齋詩及種琴園雅似全諸集太守顧元鏡嘗讀其詩輒讚賞不置因搜生平著述付剞劂適以遷秩去弗果今後人猶珍藏於家特採邨境內諸詩錄之以傳

余翹字聿雲銅陵人吏部驗封司敬中子生四歲穎異絕倫稍長讀書目數行下善屬文萬曆辛卯中應天鄉試屢上春官不第歸治一畝舫曰浮齋往來湖上杏花邨名勝多有題詠

董模字子修七松里人少時購書屋於湖山下帷攻苦年三十卽應選貢司訓歙邑陞綿竹令歷官象州武宣獲寇有功卒於粵今杏花邨有園林廢址

方時來字南極貴池人萬曆間與兄時鳴以積學著交丁相國紹軾曾預修郡志時鳴僅以明經終時來應天鄉試溺於江上生平著述皆散佚杏花邨讀書園亭頗稱佳麗今易主矣

胡永順號天岳楚人由進士司李太平數過池州有謁鐵佛昭明詩歷官兵科給事以攻擊魏璫發遣忠直著聞

黃尊素字真長餘姚人萬曆丙辰進士官至御史以直節
死於魏璫之難絕命詩有錢塘有浪登門淚惟取忠魂
泣屬鏤之句司李寧國時有西郊諸詩崇禎間子宗義
游秋浦輯黃氏續鈔所著有懷謝軒詩虞山宗伯錢謙
益志墓

顧元鏡字韻菽歸安人天啓末守池州文采風流以杜牧
歐陽修自比登山臨水有康樂風建杏花亭於邨中建
閶亭於齊山湖同僚屬飲酒賦詩時江南熙皞政事畫
一畧無更張吏民便之崇禎末復爲池太道聲譽悉如

治郡時又十餘歲留仕粵西以終

李學沆字靖菴生瀟湘雲夢間少負才節汪洋浩瀚萬曆時侍父一鳳來令貴池日與池縉紳文學登眺檀婆大樓萬羅諸名勝把酒問天以寄其蕭疎曠遠之致天啓末復貳政茲邑才人不得展其抱牢騷憤激之感時時發之歌咏所著秋浦集中有杏花邨諸詩

程梧字來鳳號蒲溪別號六六山人休寧人家于秋浦督耕完賦而外與族屬昆弟輩游歷山水間皆見諸倡和所刻率瀕社錄有湖山諸什

潘之恒字景升歙縣人性豪邁爲太學生自髫齡輒以古文詞受知於汪道昆王世貞年四十不得志溯江而上歷潯陽陟匡廬登玄嶽經武昌齊安郢中諸名勝徘徊想望意趣灑然已復放舟東下從青陽躋九華蓋興盡而返之時也自題其遊艸曰涉江集所誤有湖山窺園記

王命策字簡子葛源人少補博士弟子員同時應制者白首矻矻以詩爲畏途策以餘力工詩賦古文詞自成一家鄉先達閣學孔貞運冢宰鄭三俊皆敬禮之生平著

述不自珍惜多爲人攘去今族裔王爾網搜輯遺編得
鴻濛外紀集中有昭明廟詩

李明睿字太虛南昌人官至中允辛未分闈吳偉業出其
門及歸林講學四方從游者甚衆嘗作短垣淺榭引水
爲池與交遊操画艇盤旋其中行吟自如甲申起禮部
侍郎時服式未定持議畱衣冠回籍所著有閬苑山人
四部稿行世過池上有懷昭明文選詩

郎國本小字大池機長子也家杏花邨崇禎末從史閣部
可法死於國事祀安慶府陣亡祠祠今廢

林古度字卞子一字茂之晚號乳山福清人數齡卽能詩

登臨嘯咏至老不倦嘗于役過杏花邨見諸題詠

六合袁漢推懷林徵君詩曰竟陵推重久名日與
年高步美遠行健心憐汲引勞娛生書未賣憤世
首頻搔碩果今搖落乳山空自牢魏兩峰謂此詩
是茂之行狀彼長篇累牘讚歎不盡者反覺多事
信然又黃俞邵徵君有次茂之八十自紀詩曰入
十才名遍九州七朝遺老至今畱聽談舊事開元
載蚤識先人萬曆秋藜杖尋詩荒徑外松風坐客
小樓頭乳山咫尺能招隱我欲從公一遡遊斯篇
亦爲卞子寫獎因併存之

張燦垣字紫城成都人天崇間官邑令嘗捐俸建亭杏花

邨題曰陸舫每當杏開湖漲時集文士騷人賦詩飲酒

其中其於吏治游刃有餘尋陞司馬郎未竟用而歸歸
數年益肆力于詩有卷園集蜀人以詩名者有張肖甫
肖甫生李王時多爲所引重今論詩者稱蜀有二張云
吳讎字衆香徽州人生而長齋茹素不葷不娶與其弟典
共被也以文章孝友著卜築雞籠山凡登涉名勝捫蘿
距石搨銘碣賦咏自適晚應鄢陵鄭二陽聘入皖幕以
致身事主相勗鄭後解官爲言者所中赴京師對簿讎
匍匐往艱難共之遂卒於京邸崇禎庚辰渡江來池試
門問蕭樓商當世務有西湘踏青詩

鮑仲熊字虎子廬江人或釋衲飄飄或儒冠笑傲或爛醉
敲句或長嘯投林其髮或束或斷其飲或辛或豆或生
前自祭或舉杯祭人真具有異才異骨嘗寓桐城方宮
詹坦菴姚樞部戊生極賞識之所著有未可語詩行世
啟禎間來池州久居湖山瓢菴詠吟甚富惜杏花邨諸
詩不傳或曰虎子死遺命火其屍

方叔邵字虎玉號雩山桐城人豪放不羈詩酒自適書法
嫵美艸聖識者寶之今乾明寺壁間題咏乃叔邵真跡
也崇禎壬午夏忽病齒遂自整衣冠凭棺賦永訣詩而

逝

吳光裕字寬生九華人善詩賦精六書工大篆小楷八分
文翰並妍不才名自矜異晚應崇禎貢年已六十有
一或稱破萬齋主人或稱天谷先生所著有離騷副墨
申椒園集飲和社艸諸書其歿也施徵君達作傳劉徵
君城志墓所題杏花邨窺園詩卷墨跡猶藏董氏後人
吳光錫字少友早嗜學爲諸生與兄光裕齊名頗能飲醇
酒自號釀王最工篆刻游羅浮游茗雲以藻采聞于時
晚年又號花舫先生有杏花邨湖山諸題詠

胡虞支字嗣玄歙縣人崇禎中秉驛秋浦真率示人便便
經筭每當炎夏納涼虎山僧舍手題淨林二字墨蹟尚
存後陞令長卒郟城任當虞支之與諸生過從也不導
不輿只一僕張蓋耳至諸生家杯酒論文或果餌卵與
疏侑之足矣往復來來復往則猶有古師弟之樂也哉

附劉城喜胡廣文有秋浦諸詞賦見貽因贈以詩
日薔薇浣手十巡哦鉛鐸愚溪未足過丘壑置身
情性共文章持世諷規多湖州安定原風雅南渡
康侯斥講和我欲青鞋相傍去獨攜詩卷入惻蘿

任之燥字發伯懷寧人嘗攜諸子就試池陽默禱於昭明
廟以祈貴顯後長子竣次子塾皆聯翩成進士登仕籍

若壩若垣若堡俱相繼入黌宮神若預告之且默相之
堧每渡江謁昭明倡首輸金重新廟貌見所誤募引

譚巖字維石青陽人遭亂棄諸生隱居納竹莊時與田父
埜老酣飲貴人招之不至性耽山水好詩歌每游杏花

邨輒有題詠

附黟縣王楫懷譚隱士詩曰名山大隱自留名三
載曾親泉石盟溪竹亂雲開小徑清溪疎雨掩雙
荆常從東郭看磨鏡共約西郊待聽鶯今向江湖
憶舊好夢魂應不畏層城 桐城周對輓譚隱士
詩曰黃炎天監舊遺民高士名留傳寫真甲子紀
年纔閣筆拜鵲啼血便抽身西生蘭氣憑新塚哭
奇松枝別故人好友未亡梅可托借他魂照墓門
春按維石弔吳空之詩有梅花堪作未亡人之句

郎大徵字仲久秋浦人生平慷慨多奇雄豪自喜當崇禎
癸未春寧南侯左良玉假勤王名拔營東下水陸行駐
池州凡敗兵叛將俱附左營攻剽南都大震池郡以彈
丸之區勢危累卵時觀察臺使程世昌幣聘大徵詣左
營行說大徵遂單騎毅然往立談於百萬軍中旁若無
人卒折寧南銳氣以保垂亡之城使萬姓免於荼戮其
功偉矣及左師擬還營以暫次東流爲辭因諷之曰大
將軍一生事業豈可附之東流譚笑片語遂以圍解明
日卽長發還武昌世昌尋陞開府題敘大徵游戎亡何

甲申變作遂同遯跡高涪石臼湖與錫徵君城戴司李重爲逃世友久之各別去世昌還光山大徵歸杏花邨誓隱不出其卒也江上名人輓之有薤露集江南通志

池州府志別有傳

華亭外史彭師援誤

附吳非與纂修明史倪闇公陳其年兩翰簡書畧曰明靖難之際貴池三忠一黃公觀一陳公敬宗一金公焦黃已久著且以易名大典論之文貞而陳金或隱而不彰特鈔其傳畧合成一冊搜山見死事關繫一代想當列一坐位待之郡邑志亦不足盡書夫余闕早旌於明初文山附傳於宋本或有意諱主筆者不無斟酌其間也劉存宗徵君以著作大家與明相終誓隱峽川節義中不得少此一人吳劉生平在當世諸君子耳目前又兩太史共悉其本末或不須其行實耳處士郎人徵亦

敝邑人與樓山存宗皆有交以布衣而俠持巡撫
程公世昌書行說回左寧南十萬之師池州已下
諸城得不破無異于鄭遺燭之武之于秦孔明之
遣馬良之于吳也古人一節已足傳而況其薦于
倫常者府志傳畧錄上李孺人節烈卽樓山適配
小傳附往併拙著書目數紙開志藝文惟備採擇

江杏字三立建德人少時逢道者以天文書數卷期三晝

夜成誦乃秘授之如期一一對禽故得受其學崇禎末

應歲貢早知天下事莫可回而未敢顯言越甲申應天

巡撫程世昌聘入幕府叅畫軍務尋辭歸友人郎大徵

畱寓杏花邨每夜坐薨間取水一盆觀天象人咸異之

附江杏子益燦感舊編曰環池山石何嶙峋歷歷
奇踪見偉人才雄可靖中原孽世亂難榮物外身

憶昔冠賊曾蠶起朝廷衆卒如驕子上流方倚作
長城畏敵如狼旗廻指朦朧千里漫江灣孤城斗
大可躋板百計惟求三寸舌一人誰作萬夫關郎
公額畧胸中列單身匹馬探虎穴點帥張弧頓脫
弧一宵戰艦如風截大君有命錫師中建旄分闕
表英風開府傾心酬大畧叅軍絕意謝成功邇時
先子正憂時著書戎政名先知幕府殷勤來借箸
徵本屢速到鳩茲夙慕郎公未促膝陶山一晤如
膠漆連牀風雨共躊躇代疏披鱗雷不出大厦傾
難一木支携手同賡歸去辭天山洞口挑千樹秋
浦杏邨酒一卮須臾桑畝變滄海彈指丁今二十
載慚余碌碌墜家聲郎公玉樹繁蔭蓄忠孝出來
竹帛傳郎公氣節薄雲天採風應有輜軒使聊進
歌行待史編郎遂懷江三玄徵君詩曰風炮人
人絕世才如何不偶老江隈前籌暗借中丞箸
聘堅辭壯志灰草榻曾留高士卧邨醅頻醉杏園
杯自從歸隱天山洞惟許康成策杖來自江郊
岳太宰爲徵君好友

國朝

顏敏號澹叟宛平人順治間由進士出守池州寧靜不擾
持大體左右不能進一詞其遇士也有禮政服喜留意
山水嘗捐俸修杏花邨坊後歷陞巡撫至今池人士有
去後之思

甯峒號幘山九華詩人性卞急不能阿所好動輒目張眉
豎義形于色晚年與石埭令姚子莊交最善常以疾聲
厲色相加而姚不計時語人曰聆甯山人語如噉大柞
薑桂肉食之氣頓疏也其見重如此生平爲詩率筆立

就風格似晚唐邨中題咏甚多所著詩文貧不能傳傳者只建初集中詩耳

附郎遂觀甯嶺山詩曰交訂忘年重故鄉魯明江上憶連牀布衣還葬先朝土書帶猶題舊艸堂展獲有妻能作誄鄧攸無子更堪傷遺文郎得侯巴授居近名山尚可藏

宗觀字鶴問江都人負才積學多著述由庚子貢元司訓貴池自號杏花邨客課士之暇徒步登臨凡池名勝無不畱題世傳宗名世初以進士授紹興敎職行至夢筆橋夜泊夢江淹以綵筆三授之曰俾爾三世享文名今觀其孫也

王之明字伯求建德人郡增生入南雍國變遂不仕孝事
繼母程程歿哀毀如所生孤姪爾綰喪父時纔兩歲撫
之成立三十年如一日每歲登記出入未必署云一粟
一絲有私者如誓其學以誠身爲本由孝友而姻卹而
汎愛各有次第博涉諸藝尤精于琴嘗應試寓杏花邨
月下理琴族叔命策有聽琴詩見本集

郎必光字孟昭號亮菴嘗自署堂名曰還樸因別號還樸
居士云崇禎癸未春左師薄池城父大徵應觀察程世
昌聘單騎往說必光危之欲同往時有父忠子孝之語

越乙酉左師再下江南沿江棺多被發必光扶病絕垣
以下經營塋其祖父母忽遇清師未與害人謂孝感生
平多遠遊順治戊巳間客江右遇兵掠閩寧化陸氏子
鬻于市爲贖焉訪其族人歸之不得因携之還池教育
婚娶無不備至久之有兄來池拜泣于庭必光憐之卽
日遣去并其二子皆歸之其好仁尚義類此晚年以先
世卜居杏花邨因命子著杏花邨志書成把閱每稱快
四方名人酬贈詩文最富名曰愛日編歲乙丑年六十
有六衣冠端坐而逝里人私謚爲仁孝先生

會稽范
鑄撰

錢又選字幼青青浦人性潔好奇工画山水人物禽鳥花卉諸種画成多自題跋生平有花癖或浮居或旅舍到處必購小軒遲留久之種花爲娛遇佳山水輒登臨嘯咏而不忍去雖生于吳而秦晉楚蜀燕齊豫越之區足跡殆遍康熙間僑寓秋浦郡守喻公成龍延爲上客與里人郎遂交最善常同游湖山杜鵑之間爲作杏花邨名勝諸圖繡之梓所著有游子吟雲間彭師援龍眠李雅序之行世

劉廷審字叔皮徵君城廐出子也生九歲長兄繼試以刑

艸論援筆立就又作自悼賦敘幼孤狀人咸異其才及
長家日貧嘗授徒杏花邨與二三同志結友善會于湖
山年三十有二見知督學解公補弟子員未幾以病歿
無嗣遺稿有西郊諸詩

江士銓青陽人少多技能工畫山水最愛杏花邨景嘗形
之詩歌圖畫年甫弱冠以嘔血卒余有詩輓之曰廿年
交好共嚴君愛爾才思已絕羣類水方將新賦頌玉樓
偏又促修文少嫠抱烈幾瀕死遺艸誰傳盡欲焚惟寫
杏花邨圖半幅置予花下醉烟雲按士銓畫卽絕筆于此

閨淑

唐

劉文昂妻陳氏杏花邨陳潤女也生唐僖宗中和二年配昂生二子昂早卒矢節三十餘年有司請坊表旌其閭

歿葬于羊城里

見西館鐸氏家乘

明

陶冶妻郎氏杏花邨郎淳長女冶爲諸生有聲甫二十餘卒郎勉撫幼孤闔戶深藏履穿衣結一日病篤子延醫藥郎曰我未亡人待死分也豈能復見異姓男子以求

生平不藥而卒糾衿合薦于當道督學耿公定向馳扁
以旌其間詳見萬曆壬子丁文恪所修郡志

今郡邑志皆畧

貢士孫池龍女杏花邨郎大受妻也幼聰慧明大義甫于
歸三日卽割股肉和藥以進舅氏疾遂瘳時人以孝婦
稱之後孫氏有女適同里趙標標卒苦節終身蓋亦有
得於母教與

房氏杏花邨董俊妻也俊赤貧氏職女工佐夫朝夕俾得
功苦爲舉子業氏事繼姑最孝侍湯藥無倦心姑死助
夫喪事如禮竟以勞瘁卒

仙釋

明

尹從龍華陰人手一杖披羽衣鶴髮人以蓬頭稱之囊有
宋理宗度牒明弘治正德間嘗數千里分身赴齋一日
來乾明寺郡御史張廷瑞延而居之偶因拂意而去至
金陵舉動多怪異應天府尹懼其惑衆押令歸華州鐵
鶴觀騎鐵鶴飛昇

按吾池郡邑志作尹蓬頭傳皆云不知何許人亦
未考其本傳也

唐

智堅禪師馬祖法嗣也普願住南泉時堅亦掛錫杉山擇
族次願拈起一莖曰這個大好供養堅曰非但這個百
味珍饈他亦不顧願曰雖然如是個個須是嘗過始得
僧問如何是本來堅曰舉世無相似

按智堅禪師卽所謂西峰聖者是也當唐末吳武
王楊行密時嘗寓杏花邨乾明寺逮去畱鐵蓬什
主僧笛色似鐵而非今不存

明

真圓號照虛本山東大賈初不識文字棄妻子出家至京
師聽楞嚴講義萬曆末來棲乾明寺游補陀復還秋浦

天啓中因其弟子如真止齊山如真貴池賤役備給乾
明開圓餘論若有解悟者卽薙髮歷諸招提至齊山如
願修寺奉圓居龕西圓年八十二持誦不少輟一日化
去時崇禎丙子迄戊寅如真亦棄人間年七十五又四
年徒衆啓二師塋皆兀坐如生

無我西蜀高僧也崇禎丁丑來池州卓錫杏花邨蘭水孔
閣學貞運題西來真印四字贈之皖江劉狀元若宰贈
詩曰定匪蒲團上行忘烟雨中覺機開杜宇門祖關蠶
叢清削蜀山兀深潌巴曲通劈空一棒喝力勝五丁雄

後無我擬歸蜀未果居邨中數載卽棄世

定宇號函融宜州人崇禎間來池州學博曾世良建石林
靜室于齊山迎師居之未幾以兵毀乃入峽川三十六
山越七八年池紳士復迎之居湖山西隱菴後棄世徒
衆塢之齊山之陽

國朝

悟明號白汗順治間來居乾明寺禪定之餘兼事詩文所
著有大鑄堂語錄乾明寺十景詩康熙丁巳示寂弟子
清言塢之本寺前

正儼字无思在建德廣陽山好學工詩同邑胡魚山孔茶
塢鄭甲先每造訪山中更倡疊和嘗游九華昌雨過杏
花邨訪杜刺史遺蹟詩曰別路九華遠長春風雨繁訪
游秋浦勝因過秀山門竹葉人間酒杏花郭外邨古來
賢刺史佳話至今論所著有博陽艸王紹李評曰從來
了大事者未有不具勝情神仙無不識字佛祖何嘗廢
書无公寄情山水畱覽古今如往如復如繚如曲此爲
真勝情也靈一齊已宗風于今未墜

杏花邨志卷之五

邨人

郎遂

編輯

題詠

絕句

七言

杜牧

牧之萬年人會昌末池州刺史有傳

清明

清明時節雨紛紛路上行人欲斷魂借問酒家何處有牧
童遙指杏花邨

杏園

夜來微雨洗芳塵公子驂騑步步勻莫恠杏園憔悴去滿城多少插花人

按九華吳光錫所輯杜樊川池州詩注以此詩採入故因之

杜荀鶴 彥之石埭人翰林學士有傳

溪岸秋思

桑柘窮頭三四家挂簷垂釣是生涯秋風忽起溪頭白零落岸邊蘆荻花

按郡西唐立土城門名桑柘詩曰桑柘窮頭卽杜鵑地也且挂簷垂釣至今如故是其別業景物矣

周必大

洪道廬陵人淳熙朝拜相封右益公

過池陽賦詩

千古風流杜牧之詩材猶及杜筠兒向來稍喜唐風集今

悟樊川是父師

一作天遣江山助牧之

此詩載癸辛雜識而詩專及杜牧故採之按杜筠兒卽指杜荀鶴也牧之自齊安移守秋浦妾崔氏有娠見妬於嫡出嫁長林鄉正杜筠牧之小阿宜詩曰一子歟誇相門宣平須記若而人長林管領閒風月曾有佳兒屬杜筠長林卽今石埭縣唐風集卽荀鶴所著詩也景福元年顧雲序之行世

曾極

景建臨川人滂之子孝宗時人有傳

文孝廟

德隱前星民已和山隈水曲廟何多皇孫不得承天統猶

使而翁恨蠟鵝

皇孫不得承天統亦第就梁武當日致慨耳武帝身後孫登爲昭明太子子何嘗不承統追尊父爲皇帝此吳牛岡先生所以有三梁系譜之作也

貢奎

仲章宣城人元大德間授池州路書院長有傳

鐵佛寺

鐵佛鑄成因人計崖碑讀盡一空名茫茫大夢誰先覺跌坐無言聽竹聲

陶安

主敬當塗人明初學士有傳

秋浦西郊

天風招我游池陽飛步郭西十仞岡笑把九華顏色好怪
來衣似綠荷香

沈昌

埜航貴池人弘治中貢元

杏花邨

杏花枝上着春風十里烟邨一色紅欲問當年沽酒處竹
籬西去小橋東

鐵佛寺

堂堂天竺古金僊兀坐山頭了舊禪入定不知忘出定任
教寒暑自年年

郎漢

天章家杏花邨官江西都司經歷封承德郎

歸田口占題邨舍

自注時嘉靖丁酉余年七十有二有修譜之役

浪跡多年悔總非攤書仍下昔時幃倦來高枕羲皇寢竹裏終朝靜掩扉

先叅軍少負才名爲丁無拘先生瑤門墻高弟以明經發跡歷仕有能聲所著有西昌逸韻今皆散失偶從遺帙中得此作亟錄傳之並有喜李古源先生徵辟一章採入碧溪詩話茲不具載

林古度

茂之福清人與曹廷尉學佗友善所著有乳山藏雲館諸集

杏花邨

觀樓高出秀山門古跡今時不可論杜牧當年有名句獨

畱城外杏花邨

李盤

小有興化人句容籍由徵辟官懷集令

尋杏花邨

花邨舊圃隔殘霞
擣取青蚨問酒家
豈有香泉能醉客
空餘落日照蒹葭

方元美

旋吉潯縣人與弟仲醇併著才名

湖山望九華寄吳寬生

光裕

春山歷落百花然
絕勝城南湖上船
九九芙蓉非遠道
何如若個共安禪

吳應箕

次尾貴池人私諡文烈先生石灰沖殉義時有半世文章百世人之句所著有兩朝剝復錄

與李原常孝廉小飲杏花邨

遂注孝廉名憲邑人崇禎間謫天啓事實一書

昔年杜牧爲州日遙指邨名是杏花湖畔偶然尋酒處布

帘高挂兩三家

許承欽

欽哉漢陽人崇禎丁丑進士歷官主政

杏花邨

輕烟澹日養花天邨裏瓊枝盡欲然寶馬香車凝望處垂

楊影內出鞦韆

川原忽放海東霞重看當年上苑花金谷謾誇蜀錦障石

家邨得似郎家

李昉睿 太虛新建人官至中允有傳

過池州憶梁太子舊跡

昭明文選古今奇魚美何緣羨貴池才子風流多逸事
帝王儲副讀書時

劉始菖 昌石杞縣人崇禎甲戌狀元劉理順之孫

杏花邨懷杜牧之

阿房賦就已爭奇猶憶武陵搢笏時
省得青樓薄倖意傷心豈但杏花枝

昭明廟

廢興轉眼歎蕭梁
剩有遺踪江水傍
文選樓空孤子淚
捨身何事出君王

阮大鍼

集之號圓海安慶人乙酉起兵部尚書

西蜀無我禪師來
池杏花邨將還成都賦此贈別

劍南飄下一曇雲
淡點飛披杏雨芬
倏爾浮杯穿峽去
茶鐺松韻與誰聞

江杏

三玄建德人徵辟不出乙酉以後隱居天山洞

宿杏花邨隱者家

自注時余應巡撫程公世昌聘寓此畱題

古鳴經過晚渡津前邨小杜舊行春欸畱雞黍茅亭上荷
蓀家風似丈人

陳寶鑰 綠厓晉江人貴州觀察

杏花邨次杜韻五首

凍壓烟迷雪正紛漁家渴酒欲消魂覓眠不穩提壺去行
遇牧童錯認邨

未散寒烟柳色紛杏花伴汝結春魂黃梅釀熟家家酒遑
問杏邨共柳邨

有花無酒意徒紛有酒無花也斷魂寒食若無花與酒空

畱牧豎怎成邨

杏花易老落紛紛收拾殘花慰古魂但得清明長日在不
愁無酒與無邨

我泊池頭畏雪紛杏花未孕半藏魂錯疑童子不知酒剛

自提壺過別邨

時有同鄉官池若
不相孚者故云

釋祖燦

四照鄂渚詩僧所著有拖泥艸

杏花邨

驛路蕭蕭埜水平酒罇空負杏花名當年車馬猶虛跡惟
有清風牧豎聲

鄧漢儀

孝威泰州籍吳縣人由博學弘詞科授中翰

春游杏花邨

雨晴正值看花時
邨裏曾無花一枝
日暮秀山門外望
牧童猶唱杜家詩

石徑清泉自輾轘
當年佳釀客爭沽
而今芳艸斜陽裏
不見黃公舊酒壚

老樹雙鳩絕可聽
菜花遮斷杏花亭
難堪細雨荒山路
一個殘僧誦梵經

小杜詩名播酒家
至今寒食鬪繁華
武昌百萬旌旗下
誰

向東風護杏花

自注杏花爲左師芟刈

吳非

大非號山賓隱居古牛岡

題杏花邨郎鑑所遺鈔紙

舊傳猶自篆分明
洪武通將寶鈔行
郎鑑留遺珍故紙
當年百歲尚聞名

此予先人於故邨所遺也亦可憐邨中故實鑑公號鳳山青年一百有三弟蔚臺公青年一百有五

舟夜抵杜塢

小谿淩港聚漁舂
欸乃聲聲入水應
雁呌寒湖荒艸夜
幾家傍岸出殘燈

尤侗

展成號悔菴長洲人翰林院檢討

題杏花邨志

小杜尋春載酒時
清明細雨杏花枝
揚州夢覺人何處
祇聽斜陽牧笛吹

舊日湖山春幾迴
荒邨不見一花開
東君有意裁紅錦
爲待河陽潘岳來

從來未有花邨志
好事今推郎士元
我欲移家武陵住
也編仙史紀桃源

太史初由鄉貢選永平司理後緣事去官

世祖章皇帝覽其所著西堂雜組稱爲才子將欲大用

會以升遐不果天下惜之至康熙己未保舉博學宏詞科選翰林院檢討纂修明史今告假南還于乙丑冬過秋浦山川名勝細加品題有杏花邨紀事詩文另梓別集茲錄三章蓋全鼎一鱗也

李時男峨濬源人

賦得牧童遙指杏花邨

郡丞周公試士題偶憶先姑丈樓山先生與先孝廉小飲杏花邨詩因次其韻

五馬芳郊樂事賒前詩首句無韻徧携春色醉名花黃公壚上畱

題字猶見當年舊酒家

邨原此日散晴霞處處香醪樹樹花策杖不須頻借問平

天湖畔醉爲家

陳肇曾

昌箕號矛石侯官人以弱冠登科僅官外翰終老江湖所著有濯纓堂詩

秋浦襟紀之二

城西同出秀山門極浦遙看水抱邨昔日題詩人已遠却

教不見典型存

自注九日登湖山有懷亡友吳次尾

高樓百尺想崔嵬雨後無端步紫苔京口長江衣帶水鶴

林曾上讀書臺

自注文選樓去杏花邨二里許在西廟未至爲悵雨雪阻之

田雯

綸霞濟南人江南學使

題杜牧尋春圖爲吳興太守

春花零落古邨邊說到尋春癡可憐太守風流今老矣不

堪重画杜樊川

蘇汝霖

鶴洲石埭人粵西學使卒于王事奉
祀鄉賢 古優卹

杏花邨

乘閒出郭問花邨
酒肆青帘依舊存
遙指牧童今不見
寒烟兀自暗黃昏

沈琯

格菴餘姚人家西湖

夜入杏花邨

籃輿夜入杏花邨
細柳含烟映部門
不識酒家何處是
獨留明月冷黃昏

碧水蒼山春復秋
池陽驛路落花浮
松林策蹇題詩過
不見當年人倚樓

宗

觀

鶴問江都人司訓貴池自號杏花邨客所著有秋浦集

杏花邨酒家

錦駝鳥隔小橋鳴
橋上青驄傍水行
遙認杏花邨外路
夕

陽霞襯不分明

李白秋浦歌曰秋浦錦駝鳥人間天上稀山雞羞綠水不敢照毛衣

紅雨輕陰濺客衣
黃公廬畔是耶非
江邨蛺蝶如相識
蕩漾青帘竹上飛

不見題詩杜牧之
春風來去幾多時
杖頭錢盡應賒酒
莫

待花飛聽子規

杏熟梢頭風雨頻年光虛度可憐春
笛聲吹醒青山夢落
柘江南有幾人

題杏花邨圖贈郎趙客

可是君家半日邨

唐人郎君曾有別業號半日邨

杏花溪處掩柴門
茶香

墨靜題詩坐壓倒當時郎士元

文章雞肋笑何如世路羊腸未易居
自是君家好眉宇小

園避俗讀奇書

王朱玉

元式崑山人由教授陞國子監博士

杏花邨

游人偏問杏花邨
冷竈寒烟欲斷魂
我去恰逢芳艸歇
來

春留與覓王係

孔尚大

五若建德人所著有道之園集

杏花邨

杜老行春問酒家
顧公緣舊更栽花
風流不敢官評重
也有聲名向後賒

汪元綬

雲裏宛平人由內閣中書出爲郡司馬祀名宦

如月有懷杜樊川

江城鎮屬池州杜牧曾因山水留爲憶杏花邨夜月南湖可是昔風流

張芳

菊人句容人壬辰進士官常寧令

寄題杏花邨爲郎趙客

風光觸處似飄萍占斷山川是性靈爲憶詩人千載上杏花邨裏酒帘青

今古錢郎又杜郎他年文藻合騰驤玉山亦自傳名跡

注

江右玉山亦傳遙指處

過雁寒塘一唳長

牛岡今有老詩家問字何當酒滿車若使他年傳馬郎

城遙望是丹霞

曹有爲

亦若石埭人

讀張鹿牀明府杏花邨三截句次韻寄之

莫道花飛逐泛萍遙從江上見山靈阿誰管領諸名勝惹
得詩人眼倍青

邨前明月酌桑郎不見高人馬首驤記得樊川賢太守玉
山何處欲爭長

壚指黃公賣酒家漫勞平子賦騰車詩成不問花開否錦
字香生一片霞

宗元豫

子發廣陵人家京口

過杏花邨看紅葉

聞說前邨有酒家紫薇遺跡漫相誇春葩伐盡名空在聊

借丹楓代杏花

楊之柱

玉擎常州人

棲雲菴

境接清涼別有天老僧無事件雲眠名心頓與寒林澹觀

我須叅一字禪

張慙

僧持江寧人所著有南邨自訂詩

杏花邨弔郎仲久隱君

杏花邨裏有邨人百萬軍中解戰塵
不藉郎家先輩在花開何處問遺民

過杏花邨因讀郎趙客邨志得四絕併以寄之

清明憶昔杏花邨杜牧當年跡尚存
怪我經過當歲暮祇憑樽酒弔花魂

曉踏霜郊破凍痕坊名驚署杏花邨
若非刺史留題處蔓艸荒烟誰復論

曠塋晴光冬不雨赤城霞起將天補
金陵亦有杏花邨恨

少詩傳似秋浦

一編詩話溯淵源往事風流賴爾存上苑鶯啼千萬樹誰能及此杏花邨

戴本孝

務旃號鷹阿子和州人與弟解峰子移孝並著才名

送張南邨之秋浦兼懷郎子趙客聞其輯杏花邨志

先生詩賦動江關池上烟光老客顏覓遍新題蒼玉峽驚殘舊夢紫金山

杜樊川蹟賴誰存說有風流郎士元霜樹柴門遲客棹江東詩派老南邨

郎應徵

子四號且園郡人封宣武將軍以歸田士韻著名

登鉢頂山遠眺

鉢頂峰高望眼寬
樵歌牧唱足人歡
行春曾有樊川輩
爲問唐時舊井闌

川南寄姪孫趙客

年來空憶故鄉鱸
萬里籌邊未遂初
聞爾開山成別業
焚香盡讀逸樓書

陳啓孟

孔皆懷寧人

贈杏花邨主人

杏盡泉枯易代邨
惟君世守舊衡門
前岡有客扶筇至
沽酒連吟坐樹根

戴旦

和州人

題杏花邨別業

從來空谷有奇人
却笑漁郎認不真
聞道杏花邨裏事
一聲雞犬是先秦

王爾綱

紹李建德人
評選海內名詩
曰時賢詩有卽梓問世

杏花邨

名株曾此結芳根
爲問郊原幾樹存
畱得使君佳句在
至今

今猶說杏花邨

杜鵑弔孫黃裔

有序

黃裔名昌家杜塢世爲漁人卽黃裔常身之矣姿
記敏妙下筆千言立就郡人士皆樂與之交詩以
杜塢名集予嘗索其稿錄五十餘首多有唐人風
味負性疎放酒酣高唱旁若無人病中尚長吟不
輟將死以遺稿付詩僧赤霞友人郎趙客爲茂陵
之求不得也而予當日所錄猶爲存其百一亦奇
矣哉黃裔屢應小試不售易名登孫字嘯嘯然卒
鬱鬱以死是可悲也詩以弔之

寄蹟漁舟一葉輕搜奇懷古氣縱橫至今杜鵑湖邊浪猶
帶蘇門長嘯聲

爲文曾博士林譽病裏狂吟尚自如誰識琴隨人響絕當

年偶集是遺書

湯肇文

補莽金壇人

冬日題杏花邨

高齋惜別懷春景惆悵尋梅江上冷
纔逢空憶昔年邨何日相隨同訪杏

春來隔鴨映紅霞茅屋林邊隱幾家
日暖芳郊爭載酒可能還見舊時花

鮮妍數里是平原遙憶溪灣小竹門
爲問牧之何處是但聽短筇覓前邨

胡觀 傻角貴池人

杏花邨竹枝詞

楊柳雙隄尺五舸
柳條穿鯉貫邨醪
醉來穩藉蓑衣卧
直待天明又放篙

漁家

桑柘門前人幾家
竹籬低亞菜生花
桔槔不斷原泉路
秋種蕪菁夏種瓜

圃家

一肩乘輿出春叢
雨後生柴爨不工
少婦殘粧粧未了
擔頭爭檢映山紅

樵家

情閒無礙意惺惺
佛火緣多晝不停
飯罷木魚聲漸起
隔

墻人道是看經僧家

誰家高額篆新豐知是黃壇舊酒翁從此千錢常有約二

三扶醉月明中酒家

錦駝啾唧帶春烟似勸春深早種田不道年年收穫好隔

年曾貸飯牛錢田家

入春花事竟茫然京兆風流去不還儂欲臨花頻授簡不

堪重憶太和年詩家
牧以唐太和間登第

陌上柔桑初放葉家家採葉飼蠶忙小姑守箔夜不寐爲

怕蠶眠葉漸黃蠶家

蛟綃爲幅錦爲城風雨名山老弟兄掃却言詮真意在一

篝燈火對乾明

讀書家

杏花亭外吳山道時見銅鞮藉芳艸猿臂何人慣射雕

弓落處湖天曉

騎射家

孫之奭

諍書青陽人

杏花邨

烟晴日暖步城隅地以花傳杏有無多少游人吟不盡

天春色落平湖

馮宣

扶九菊江人弟獻吉有文名時肄業池陽書院

宁弟寓郡當游杏花邨賦此寄之

池陽春色近如何賦就長楊興已多
探得杏花須盡醉東風可許載香過

吳源出

生生高田人

月夜杜鵑舟中卽事

湖濱埜色滿平沙盪槳更深月影斜
杜鵑晨光將縱目枕流容我起漁槎

錦色朦朧隱半山羣峰清夜亦相關
憑湖野屋零星聚尚有寒林葉帶殷